



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1581 usque ad annum 1589

Fleury, Claude

August. Vind. [u.a.], 1772

VD18 90118650

§. 111. Rex ad hujus decreti famam perterritus.

[urn:nbn:de:hbz:466:1-67246](https://nbn-resolving.org/urn:nbn:de:hbz:466:1-67246)

riter mandaretur, ut ad valvas duarum, vel trium Ecclesiarum Cathedralium ex sex ibi nominatis promulgaretur, ne Rex, vel ejus subditi ignorantiam obtendere possent, ideo vix foederati hoc diploma receperant, cum illud Meldis, & Carnuti promulgarent, etiamsi Thuanus Carnutensis Episcopus obstitisset: Franciæ autem Ministri post hoc decretum in Patrum Senatu sancitum haud amplius Romæ subsistere audebant, hinc Joyosa Cardinalis, & Arnaldus Ossatus Venetias secesserunt, Pisanius vero Marchio, & Cenomanensis Episcopus Liburni conscensa navi in Franciam reversi sunt.

§. CXI.

Rex ad hujus decreti famam perterritus.

Attamen Venetæ Republicæ Senatus, Magnus Etruriæ Dux, necnon Dux Mantuæ præ ceteris priores Regem de decreto adversus eum Romæ promulgato certiores reddebant: non deerant quidem, qui hoc edictum nullius valoris esse, Henrico persuadere niterentur, nihilominus ipse exinde summo terrore affectus Senatum suum convocavit, ac de opportunis hanc tempestatem suo capiti impendentem declinandi mediis deliberari præcepit, ita

Journal & Thuan. l. c.

Sæcul XVI
A.C. 1589.

mentem suam declarans: „sunt ex vo-
 „bis, qui Vaticani fulmina irrident.
 „ego autem semper ad illa expavi, ut
 „que etiamnum ea longe magis pen-
 „mesco, quam omnia belli tormem-
 „omnesque Fœderatorum impetus.
 Porro ex ejus Amicis Regi nonnulli
 auctores erant, ut suam indignatio-
 nem in Pontificem effunderet, atque Ur-
 bem, Comitatumque Avenionensem
 usurparet, simulque has ditiones Pon-
 tifici restituendas polliceretur, quam
 primum Regis postulato satisfecisset.
 Id quoque illi Italiæ Principes suade-
 bant, qui cognita vehementiori Sixti V.
 indole eum submissionis, ac veneratio-
 nis via haud flecti, sed sola vi, atque
 audacia ad justæ moderationis limita-
 revocari posse arbitrabantur: præterea
 hoc ipsum pariter consilium Regi sug-
 gerebat Navarræ Rex, qui perver-
 suæ sectæ doctrinis adversus sacræ Scrip-
 turæ auctoritatem præventus, ac præ-
 cipue ob existimatam injuriam sibi
 Sixto V. illatam exacerbatus Regi pro-
 ponebat, quod spreto Pontificis an-
 themate potius Parisinam Urbem obli-
 dere aggrediretur: insuper hoc idem
 Cenomanensis Episcopus Roma ad Re-
 gem perscribens eidem suadebat: ean-
 dem quoque rem Cardinalis Joyosa scrip-
 literis Regi significabat, omnibusque

persuasum erat, quod nunc, cum Hen-
 ricus in præfenti rerum vicissitudine re-
 belles ad officium redigere cogeretur,
 nihil ad hoc magis opportunum occur-
 reret, nisi ut prius sacra Pontificis ar-
 ma a se averteret, eumque sibi propi-
 tium redderet, ac demum suorum ho-
 stium victor evaderet, eoquod ipsa Chri-
 stiana prudentia non permetteret, ut Prin-
 ceptus victoriosus, qui suis victoriis in
 universæ Ecclesiæ, ac communis utili-
 tatis præjudicium abuti posset, hostili-
 ter exagitetur.

§. CXII.

*Copiæ apud exteros Principes Regis
jussu conscriptæ.*

Rex horum consilia secutus Pontificis
 decretum ignorare se simulabat,
 perinde ac si ei insinuatam non fuisset:
 unde interea a Papa absolutionem
 præstolaturus unice eo intentus erat,
 ut auctis exercitus sui viribus victoriam
 sibi polliceri posset: præprimis vero
 Isaiam Brochardum Cliellam in Etru-
 riam ablegabat, qui etiam a Magno
 Duce bis centies mille aureos impetra-
 bat, ea lege, ut media hujus summæ
 pars Augustæ, ubi deposita erat, reli-
 qua vero mox numeraretur, quampri-
 mum copiis in Germania conscribendis
 initium fieret. Præterea Sancius jam-

Yy 4

jam